

唐孫真人原本

眼科銀海精微大全

南京中医药大学图书馆版权所有

銀海精微卷之上

唐 孫真人思邈氏

原輯

清 周亮節生之氏

較正


五輪八廓總論

六有兩眼猶如天地之有兩曜視萬物察纖毫何所不
至日月有一時之晦者風雲雷雨之所致也眼之失明
者四氣七情之所害也大抵目爲五臟之精華一身之
要係故五臟分五輪八卦名八廓五輪肝屬木曰風輪
在眼爲烏睛心屬火曰血輪在眼爲二眦脾屬土曰肉
輪在眼爲上下胞脣肺屬金曰氣輪在眼爲白仁腎屬

水曰水輪在眼爲瞳人至若八廓無位有名大腸之腑
爲天廓脾胃之腑爲地廓命門之腑爲火廓腎之腑爲
水廓肝之腑爲風廓小腸之腑爲雷廓膽之腑爲山廓
膀胱之腑爲澤廓斯爲眼目之根本而又藉血爲之胞
絡或蘊積風熱或七情之氣鬱結不散上攻眼目各隨
五臟所屬而見或腫而痛羞澁多淚或生障昏暗失
其症七十有二治之須究其源因風則散之熱則清涼
之氣結則調順之切不可輕用針刀鉤割偶得其愈出
乎僥倖或有悞而爲者則必爲終身之患也又不宜通
用涼藥恐水其血凝而不流亦成痼疾用藥當量人之

老少氣體之虛實又有腎虛者亦令人眼目無光或
冷翳宜補煖下元滋補腎水北方患者多是日冒風沙
夜卧熱炕二氣交蒸故使之用涼藥北方之人故與南
方之人用藥有不同也疹痘之後毒氣鬱結於肝而氣
不能瀉攻發於眼目傷於瞳人者素無治法也

五輪圖式




大眚赤者心之實也
 大小眚爲血輪屬心火
 黑精爲風輪屬肝木
 瞳人爲水輪屬腎水
 白仁爲氣輪屬肺金
 上下胞臉爲肉輪屬脾
 小眚赤者心之虛也



南京中医药大学图书馆版权所有

八廓圖式



天廓屬大腸傳送肺金乾卦
 火廓屬心抱陽命門經離卦
 地廓屬脾胃水谷之海坤卦
 水廓屬腎經會陰坎卦
 山廓屬膽經清淨艮卦
 風廓屬肝經養化巽卦
 雷廓屬心小腸經關泉震卦
 澤廓屬膀胱經津液兌卦

五輪之圖

眼中赤脉血輪心

黑睛屬腎水輪深

白睛屬肺氣輪應

肝主風輪位亦輪

更有肉輪脾臟應

兩臉屬脾胞胃侵

八廓之圖

肝爲養化之廓

腎與眼疾豈無由

酒色過時更惜憂

莫道睛光無大故

看看膜障畏雙眸

膽爲清淨之廓

視物依稀似霧中

時時手拭兩睛瞳

要知冷淚頻頻出

此是肝虛膽氣攻

膀胱津液之廓

膀胱屬水腎爲夫

冷淚相形本臟虛

赤脉縱橫輪廓內

不逢妙手豈能甦

胃名水谷之廓

飲食相干在胃中

更加積熱兩相攻

臉胞漸腫生睛赤

不解中宮熱不通

命門抱陽之廓

內抱真陽是命門

眼前花發色紛紛

不能補腎調肝氣

睛腫縱橫似有根

大腸傳送之廓



傳送原因是本經

肺家壅滯熱相侵

只宜大腸依次第

閉澀之時醫患暗

小腸關泉之廓

小腸腑屬關泉廓

受病先從心裏傳

兩眦皆赤生疼痛

但調經脉自然痊

腎屬會陰之廓

視物如看霜霧多

擡頭畏日事如何

急宜補腎禁房室

免使昏矇不得過

六腑

三焦

膽胃

大腸

小腸

膀胱

五臟

心

肝脾

肺

腎

心屬火

肝屬木

脾屬土

肺屬

腎屬水

五行生剋

金生水

水生木

木生火

火生土

土生金

金剋木

木剋土

土剋水

水剋火

火剋金

五臟表裏

心與小腸爲表裏

肝與膽爲表裏

脾與肺爲表裏

肺與大腸爲表裏

腎與膀胱爲表裏

三焦與命門爲表裏



一說命門與心胞絡爲表裏

三陰三陽經

心是手少陰經

腎是足少陰經

肺是手太陰經

脾是足太陰經

肝是足厥陰經

三焦是手少陽經

此是三陰三陽也

小腸是手太陽經

膀胱是足太陽經

大腸是手陽明經

胃是足陽明經

膽是足少陽經

命門是手厥陰經

七情

喜 怒 憂 思 悲 恐 驚

喜傷心其氣散

怒傷肝其氣緊

憂傷肺其氣聚

思傷脾其氣結

悲傷心胞其氣急

恐傷腎其氣怯

驚傷膽其每亂

此乃七情是也

汗乃心之液

淚乃肝之液

涎乃脾之液

唾乃肺之液

精乃腎之液

此五臟之液是

也

苦入心經

酸入肝經

甘入脾經

辛入肺經

鹹入腎經



酒色財氣 風寒暑濕 過度成病

大眚赤脉付睛



赤脉傳睛之症起於大眚者心之實也此心邪之侵肝也心屬火主血肝屬木主筋筋得血灌引漸至黑睛蔓延睡人甚則看物如同隔絹是三焦相火炎上或勞心事太過或夜觀書史或能飲酒及好食五辛

煎炒熱物法宜瀉火退熱老少不同治日積月累
脉大者宜用小鋒針挑斷毒血流出赤脉斷矣若
乍發赤脉不用挑發點以陰二陽四藥服以四順
正當歸散涼肝之劑其病無不甦矣又有暴橫之人
赤脉灌睛者此生相也非比前症治之

問曰人之患自大眚赤脉付睛大眚常壅澁看物不
準者何也答曰乃心經之實熱況心或因思慮勞神
或飲食太過致使三焦發熱心火愈熾故日常赤也
治之雖攻少陰經心胞陽火廓先服三黃凡瀉其心
火次以洗心散去其病肝連在常鎮三黃九點用清

源散服用清心利小腸經降火爲主用八正散

八正散

大黃

瞿麥

木通

梔子

滑石

甘草

車前子

扁蓄

右各等分爲末每服五錢水一鍾煎或入竹葉燈心
葱頭食後服

導赤散

木通

甘草

梔子

黃柏

生地黃

知母

右每服細末四五錢水一盞人竹葉燈心草同煎食

後服

七寶洗心散

當歸

赤芍藥

太黃各一兩

麻黃二兩

荊芥

五錢

黃連

二兩

梔子

右為末每服三四錢水煎食後服

三黃丸

黃連

黃芩

各一兩

大黃

三兩酒浸過炒

右為末煉蜜為丸如桐子大每服三十丸熱木下


肝連丸

白羊子肝一副勿令下水以線結定總筋吊起高



處瀘乾血水輕輕剝去外膜可將肝置於平木板
 上以竹刀割下肝粉筋膜不用肝粉和為丸每服
 五十丸茶送下

小 眚 赤 脉 傳 睛



小眚赤脉傳睛者心之虛也與大眚不同治法分貳
 症治之五臟之主六腑之宗且屬南方候陽象德之

